

Sendt: 19. oktober 2012 11:01

Til: Officiel post til Bureau of Minerals and Petroleum

Emne: Høringssvar - offentlig høring om rapporterne.....jernmineprojekt ved Nuuk

Høringssvar er oversat fra dansk til grønlandsk.

Aatsitassanut Ikummatissanullu Pisortaqarfik

(mail: bmp@naoq.gl)

Tusarniaanermut akissut – Ammasumik tusarniaaneq Avatangiisimut Sunniutit pillugit Nalilersuineq aamma Inooqatigiinnikkut Sunniutinut Nalilersuineq pillugit nalunaarummut, London Mining A/S-ip Saviminissarsiorfissamik Nuup eqqaani atuilernissaminut tunngatillugu qinnuteqaataanut suliamut.

Matumuuna nassiunneqarpoq Sullivinnik Nakkutilliisoqarfiup tusarniaanermut atatillugu akissuteqaataa qulaani pineqartumut ammasumik tusarniaanermut.

Inatsisit atuuttut sinaakkutaani (qupp. 31-33) eqqarsaatigineqarsinnaavoq nalunaarutit amerlanerusut innersuussutigineqarsinnaanerit, Sulinermit Avatangiisit pillugit Inatsit naapertorlugu. Assersuutigalugu: Sulitilluni ajoqusersimanermit nalunaarutiginninneq, sulinngiffeqarluni qasuersaarnissamut piffisarititaq sulinngeqarfillu ulloq unnuarlu, asbesti, sullivimmi avatangiisimut ilinniartitaaneq. Aammattaaq isumaliutersuutaasinnaavoq inuusuttut pillugit maleruagassat, inuusuttut 18-it inorlugit ukiullit aatsitassarsiorfimmi suleqqusaannginneranik aalajangersakkamik imalik.

Qupperneq 128-imi sulinissamut najoqqutassaq titartarneqarsimavoq sullivimmi avatangiisinut inatsimmi sulinngiffeqarluni qasuersaarnissamut piffisarititaq pillugu Kalaallit Nunaanni atuuttumut naapertuutinnngitsoq. § 41 Sullivimmi Avatangiisinut Inatsimmi naapertorlugu sulisut sapaatip akunneranut ataasiarlutik døgnimik sivilissusilimmik qasuersaarfeqassapput. Taamaattumik pileraarusiortoqarsinnaanngilaq paarlakaajaanermik pingsoqiusatut inissinneqartumik ullormut akunnerni 12-imi sulinertalimmik, sapaatip akunneranut ullut 7, sapaatini akunnerni 6-imi taassumallu kingorna sapaatit akunnerit 3 sulinngiffeqartitaalluni. Periarfissaqarpoq isumaqatigiissutigineqarsinnaanera ullut unnuallu 12-it atorneqarsinnaasut ullut qasuersaarfiit marluk akornanni.

Ilinniartitaanermut pilersaarutini (qupp. 154) amigaataavoq qulaani sulinermit avatangiisit pillugit ilinniartitaaneq pillugu isumannaallisaanermut sinniisunut ilinniartitsineq. Kalaallit Nunaanni Namminersorlutik Oqartussat tapersorsorpaat, isumannaallisaanermi- aamma peqqissaanermi sanaartornerup iluani sulisunut ataqatigiissaarisut immikkut ilinniartinneqarnissaat.

Akuutissat pillugit (qupp. 175) paasissutisseeriaatsimik allaaserinnittoqarpoq suliffeqarfimmi akuutissat ulorianartut pillugit, taamatuttaaq pilersuisunut atuinissamik innersuussutit. Maluginiagassaq uunga saatinneqarsinnaavoq, tassa sulisitsisup atuinissamik innersuussutaanut piimasaqaatimut.

Sulisut pisussaaffiat eqqarsaatigalugu taakkartorneqarpoq sulisut nammineerlutik akisussaaffigigaat inuttut isumannaallisaanissamut atortorissaarutiniq peqartinneqarnissartik, immineerlutillu pissarsiarinissaat akisussaaffigigaattaaq (qupp. 175). Maluginiaqquneqarpoq Kalaallit Nunaanni Sulitilluni Avatangiisinut Inatsimmi sulisitsisumut piumasaqaat.

Naggataarutaasumik najoqqutassiami sunniutit pillugit nalunaarsuutini il.il. oqaatigineqarpoq (qupp. 205): ”ajutoortoqaratarsinnaanera pisinnaasartoq sulisup pissusilersuutaanut/sulinermi pissusilersuutissamut isumaanut sulinermi avatangiisertik pillugu”, malittarisassiortoqarsimallunilu pinngitsoortitsiniarnissamut ikiorsiissutissanik atuuttunik (Kalaallit Nunaanni Sulinermi Avatangiiseq pillugu Inatsit) soorluttaaq ikiorsiissutissatut innersuussutit assersuutigalugu isumannaallisaanermik- peqqinnissamillu pilersaarutiniq atuutitsilerneq. Misilittakkat takutippaat sulisut atugaanit allarpiaat isumannaallisaanermut tunngasut taakkuukkajuttartut ajutoornermut peqqutaasut, assersuutigalugu ilitersuinerup naammanginnera immaqaluunniit atortorissaarutiniq naammattumik aserfallatsaaliuisimanginneq.

Ikinngutinnersumik inuulluaqqusillunga

Jesper Labansen
Kredschef